

REGLULEG STARFSEMI FÉLAGSINS

Félag leiðsögumanna heldur fundi með félagsmönnum sínum um mál sem á þeim brenna eða eru ofarlega á baugi hverju sinni. Slíkir félagsfundir eru að jafnaði haldnir nokkrum sinnum yfir vetrarmánuðina.

Á aðalfundi er kosin stjórn félagsins, fulltrúar í nefndir og öðrum aðalfundarstörfum sinnt. Haustferð eða vorferð er fastur liður í starfinu en þá er farið í hópferð á áhugaverðar slóðir, félagsmönnum til ánægju og fróðleiks. Einnig eru haldnir reglulegir fræðslufundir yfir vetrarmánuðina.

Árlega stendur félagið fyrir námskeiði í skyndihjálpi, en nauðsynlegt er að viðhalda þekkingu sinni á þessu sviði til að teljast fullgildur faglærður leiðsögumaður.



VISSIR ÞÚ AÐ FÉLAG LEIÐSÖGUMANNA ...

- Liðsinnir þér við að ná fram rétti þínum gagnvart vinnuveitanda, standi hann ekki við gerða kjarasamninga.
- Semur um afslætti fyrir þig hjá ýmsum fyrirtækjum og stofnunum.

Félag leiðsögumanna er eina stéttarfélagið í landinu sem sinnir hagsmunum leiðsögumanna og fer með samningsrétt fyrir leiðsögumenn hvar sem þeir starfa á landinu.

SJÓÐIR FÉLAGS LEIÐSÖGUMANNA

Félag leiðsögumanna hefur yfir að ráða sjúkrasjóði, endurmenntunarsjóði og lífeyrissjóði. Því fleiri félagsmenn, því öflugri verða sjóðirnir.

Sjúkrasjóður

Sjóðsfélagar eru þeir sem greitt hafa iðgjöld til sjóðsins eða gjöldin greidd fyrir þá. Sjóðsfélagar geta fengið fjárhagsaðstoð í veikinda-, slysa- og dánartilvikum.

Endurmenntunarsjóður

Endurmenntunarsjóður styrkir og stendur að endurmenntun félagsmanna. Sjóðurinn niðurgreiðir þátttöku félagsmanna í endurmenntunarnámskeiðum sem tengjast störfum leiðsögumanna, að ákveðinni hámarksfjárhæð, og stendur fyrir sérstökum námskeiðum.

Lífeyrissjóður

Lífeyrissjóður Félags leiðsögumanna var stofnaður 1977 en er nú sameinaður Almenna lífeyrissjóðnum.

ÞAÐ BORGAR SIG AÐ GERAST FÉLAGI

Umsóknareyðublöð eru á www.touristguide.is.



FÉLAG LEIÐSÖGUMANNA

Mörkin 6, 108 Reykjavík

Skrifstofan er opin alla virka daga kl. 12:00 - 15:00

Sími: 588 8670

www.touristguide.is



FÉLAG LEIÐSÖGUMANNA

Félagið leiðsögumanna er fagfélag leiðsögumanna á Íslandi og stéttarfélag launafólks sem stundar leiðsögn ferðamanna á Íslandi og fararstjórn erlendis. Félagið er opið öllum sem þannig starfa.



FÉLAG LEIÐSÖGUMANNA

Félagið var stofnað árið 1972 til að vinna að sameiginlegum hagsmunamálum leiðsögumanna. Hagsmunamálum eins og menntun leiðsögumanna, launum og öðrum kjaramálum. Æ síðan hefur félagið starfað á margvíslegan hátt að því að efla og bæta menntun, réttindi og launakjör félagsmanna sinna, auk þess að vera talsmaður leiðsögumanna á ýmsum sviðum.

Félagið er eitt af stéttarfélagunum sem eiga aðild að ASÍ en stéttarfélag njóta verndar í stjórnarskrá, lögum og alþjóðasamþykktum sem Ísland á aðild að. Þau gegna mikilvægu hlutverki á vinnu- markaði, í afkomu launafólks og í efnahagslífi þjóðarinnar.



EINKENNISKLÆÐNAÐUR

Félagið hvetur fagfélagsmenn sína til að klæðast rauðum yfirhöfnum og treyjum með nafni sínu og merki félagsins. Fagmenntaðir leiðsögumenn þekkjast þannig vel úr hópi annarra.

Félagið gerir sérstaka samninga við fataframleiðendur um fatnað en engir aðrir geta framleitt fatnað merktum félaginu, né leyfist að nota merkið á annan hátt en lög félagsins segja til um.

MERKI FÉLAGSINS

Rétt til að bera merki félagsins hafa einungis félagsmenn með fagfélagsaðild og ber þeim að vera með merkið við vinnu sína.

Félagsmenn geta keypt málm-nælu með ferki félagsins en fá einnig félagsskírteini sem endurnýjast árlega við greiðslu árlegs félagsgjalds.



VISSIR ÞÚ AÐ FÉLAG LEIÐSÖGUMANNA ...

- Semur um lágmarkslaunakjör fyrir þig.
- Ekki má greiða þér lægri leiðsögumannslaun - en þú getur samið um hærri laun.
- Styrkir þig til að stunda heilsuefningu.
- Greiðir meðferð hjá sjúkráþjálfara að ákveðnu marki.
- Stuðlar að símenntun þinni með niðurgreiðslu á námskeiðum, fræðslufundum og fleiru.

HVERJIR GETA GENGIÐ Í FÉLAG LEIÐSÖGUMANNA?

Í takt við breyttar kröfur var á árinu 2007 gerð sú breyting að félaginu var skipt í stéttarfélag og fagfélag.

Stéttarfélagsaðild

Stéttarfélagsaðild geta allir öðlast sem starfa við leiðsögn ferðamanna á Íslandi sem og fararstjórn erlendis. Stéttarfélagsaðild veitir nær öll sömu réttindi og fagfélagsaðild, en veitir t.d. ekki atkvæðisrétt í tengslum við mennta- og skólamál faglærða leiðsögumanna og ekki kjörgengi í fræðslu-, fag- eða skólanefnd.

Fagfélagsaðild

Fagfélagsaðild hafa þeir sem voru í Félagi leiðsögumanna þegar breytingin árið 2007 átti sér stað. Síðan þeir sem óska eftir aðild og hafa lokið leiðsögunámi frá skóla þar sem kennt er samkvæmt gildandi námskrá ráðuneytis menntamála um nám leiðsögumanna.

Aukna aðild hafa allir þeir sem eru bæði í fag- og stéttarfélaginu.

HVAÐ GERIR FÉLAGIÐ FYRIR FÉLAGSMENN?

Rekin er skrifstofa sem opin er alla virka daga frá kl. 12-15. Starfsmaður félagsins sinnir erindum sem berast, eða vísar þeim til stjórnar til úrlausnar. Félagsmaður getur óskað liðsinnis félgsins við að fá rétt sinn virtan; t.d. vegna brota vinnuveitanda á ákvæðum kjarasamnings, launagreiðslna, viðurkenningar á vinnutíma, matarmálum, slyss eða veikinda og mörgu fleiru.

Aflað er afsláttarkjara fyrir félagsmenn hjá ýmsum verslunum og stofnunum. Skrá yfir slík kjör á vefsíðu félagsins www.touristguide.is ásamt upplýsingum um hvers konar mál sem snerta starfið og hagsmuni félagsmanna. Upplýsingum og fræðslu er einnig miðlað á Facebook-síðunni *Félag leiðsögumanna* og með því að senda félagsmönnum tölvupóst. Félagið hefur gefið út tímarit Félags leiðsögumanna og kom síðast út veglegt blað í tilefni af 40 ára afmæli félagsins árið 2012.